

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

7. Cum Mundo non esse pacem faciendam.

urn:nbn:de:hbz:466:1-45699

constat nolle esse pacificos, & adeò nolle filios Dei, sed Belial vocari? contra quos Deus ipse pugnat, & nos vult secum pugnare. Tubicines utriusque præstantium parti seruiant, non milites, non duces. *Quia nemo potest duobus dominis servire.*

Matth. 6, 24.

Et quia volent aliqui sibi tales disertè nominari, uno verbo eos nomino. Mundus est talis, & quorundam mundi mores proficiuntur. *Pacem relinquo vobis*, ait Magister noster, *pacem meam do vobis*: non quomodo mundus dat, ego do vobis. Hinc meritò vocatur Princeps pacis. Quo modo dat mundus; quo modo Christus? Mundus ait; *Venite, coronemus nos rosas*, simul bibamus, simul ludamus, simul iocemur, simul scortemur; simul detrahamus, & opprimamus iustum; simul testemur falsum; simul accusemus; simul fenestras, simul ianuas frangamus; simul percutiamus, simul occidamus: simul clamemus; simul blasphememus; & dicamus, *Tolle, tolle; crucifige, crucifige*. Talis pax non est facienda; quia non est pax impiorum: repente inter ludendum serio res agitur: & venitur ad pugionem: ex ioco, fit furor; ex lucro, vitæ iactura: & qui vna meretricē ambierunt, facti riuales pro meretrice se occidunt: quiq; paulo prius in tertij caput iuraverunt, repente in seipso conuicti, criminacionibus, calumnijs, plagijs, cædibus conuertuntur. Sic dat mundus pacem. At Christus ait: *Pacem meā do vobis: non quomodo mundus dat, ego do vobis*. Ego pacem feci inter Patrem meū & vos. Ego pacem do bonæ conscientiæ. Ego inter homines tollo discordias, lites, rixas, duella. Hoc si & vos faciatis, Beati eritis, & filii Dei vocabitimi. Quamquam neq; beati vñquam erunt, neq; filii Dei vocabuntur, qui causa sunt, & authores malæ pacis, atque inter se in conuenticulis consociant combibones, collusores, amatores, scoratores; iuuenes cum puellis; matrimonio solutos cum coniugatis. Deus bone! estne is Christianus, qui in domo sua tales congregat, sociat, coniungit, & pacem facit inter eos, inter quos non est pax? Non est hic pacificus, sed bellificus; non Dei, sed diaboli filius appellandus. Hæc enim peccata Deum offendunt, hæc iram diuinam nobis accendent, hæc sacra & profana arma in nos acuunt.

Nam propter talia scelera Numen bella publica mittit, quæ qui vult tollere, scelera tollat. Numquam bella quibus caussis nascuntur, tolluntur. Duo ergo sunt genera pacificorum, qui beati à Christo pronuntiantur. Vnum pertinet ad Principes, Reges, Imperatores,

VII.

Ioa. 14, 29.

Isa. 19, 6.

vñ.

vñ.

vñ.

vñ.

VIII.

CCCC

peratores,